

## Per trutgs e pitgognas dals 04-02-2011

### Proposta da Norbert Grond

#### Tura cun gianellas: Taufers - Egghof - Tellakopf

Durada: ca. 5 ½ - 6 ½ uras  
Differenza d'atezza 800m

Da la Val Müstair part'ins cun l'auto vers il Vnuost enfin tar l'emprim cumin suenter il cunfin, Tuer (Taufers). Visavi il Hotel Chavalatsch prenda ins la buna via asfaltada cun saiv da segirezza che munta vers la baselgia San Blasius ed ils bains da Tuer, 100 m suenter il davos bain „Egghof“ sin 1730 msm stat a disposiziun in parcadi. Qua sa prepara ins cun las gianellas, la bulscha cun ina buna marena e tut quai ch'ins dovra en cas da lavina.

Sin ina via stippa e suenter ca. 1 ½ uras arriva ins sin l'alp da Tella sin 2100 msm. L'emprima gronda pausa cun vista vers la Val Müstair ed in panorama cun las muntognas da la Val fa emblidar la muntada stentusa.

Davent da l'alp Tella è ins or dal gaud, suenter 1 ½ uras arriva ins sin il „Tellajoch“, da là vesa ins la Val Arunda, la Val Schlingia ed il Watlas. Là sin 2360 msm vegn ins retschet d'in vent froid che buffa dal nord.

Per quels che na èn betg anc stanchels vai vinavant enfin sin il „Tellakopf“ 2530 msm ca. 1 ura.

Era là spetga in bel panorama, il pass da Resia, la val dal Vnuost cun la chadaina da las „Öztaleralpen“ e la gruppa da las alps da l'Ortler.

Per turnar enfin tar il parcadi dovri ca. 2 ½ uras.